



КВАДРОБИНГ ҚОРҚЫНЫШТЫ ҚҰБЫЛЫС ПА?

Соңғы кездері әлеуметтік желілерде жаңа бір тренд пайда болды. Көрінгенге еліктегіш келетін жасөспірімдердің бұл жолғы ермегі – әр түрлі аңдардың кейпіне ену, соның іс-әрекетін қайталау. Бір сөзбен айтқанда, жастар арасында квадробинг субмәдениеті еңуде. Әлем елдері арасында кең таралған құбылыс елімізде де жетіп отыр.

4-БЕТТЕ

СУХБАТ

Қазақ күресі – ата-бабаларымыздың асыл мұрасы. Қазақ күресі – тек дене күшін ғана емес, рух пен қайсарлықты талап ететін ұлттық спорт түрі. Төл спорттың тарихы тереңде жатыр. Ұрпақтан-ұрпаққа жалғасып келе жатқан ұлттық спортымызды әлемге танытып, насихаттап, дамытып жүрген азаматтар баршылық. Ұлттық спорттан ел мерейін асқақтатып жүрген белді балуан, банкер Ерсултан Мақсұтов талай дүбірлі додаларда топ жарып қана қоймай, шәкірттері де биіктерден көрініп жүр. Жакында қазақ күресінен балалар банкері Ерсултан Мақсұтовпен қазақ күресі туралы әңгімелесудің сәті түскен еді.



Ерсұлтан МАҚСҰТОВ,
қазақ күресі банкері:

ҚАЗАҚ КҮРЕСІ ОЛИМПИАДА ОЙЫНЫНА ЕНСЕ ДЕЙМІН

Аялаймын сені, Қызылорда!

– Қазақ күресімен қанша уақыттан бері айналысып келесіз?

– Бала кезімнен спортпен айналысып келемін. Көптеген республикалық және халықаралық жарысқа қатысып, жүлделі орындарды иеленгенмін. Қазақ күресі – қазақтың көне де асыл спорт түрі. Мен осы спорт түрімен белсенді айналысып, өз білімім мен тәжірибемді жас спортшыларға үйретіп келе жатқаным 7-8 жылдай болып қалды. Күнде жаттығу залына кірген кезде өзім шынығып қана қоймай, өз тәжірибем мен білімімді балаларға үйретемін. Олардың спорттық әдіс-тәсілдерді меңгергеніне қуанамын. Қазақ күресі дене күшін ғана емес, намысты шындай түседі. Шәкірттерім жетістікке жетуде. Олардың көзінен жеңіске деген құштарлықты көремін. Менің мақсатым – өз мәдениеті мен дәстүрін мақтан ететін чемпиондардың жаңа буынын өсіру. Қазақ күресі арқылы біз өз мұрамызды сақтап, келешек ұрпаққа жеткізе аламыз деп ойлаймын. Шәкірттердің жетістікке жеткенін көру – жаттықтырушы үшін ең үлкен марапат.

5 қараша
сейсенбі
№88 (2098)
2024 жыл



Ақмешіт

апталығы

Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-ақпараттық тарихи-танымдық газет •
E-mail: akmeshit.kz@mail.ru

800 ГРАНТТЫҢ 40-Ы ҒАНА ИГЕРІЛГЕН мектеп бітірген 186 мың түлек қайда?

Елімізде жол салу қарқынды дамып келе жатыр. Әйткенмен таяқ лақтырсаң мигрантқа тиеді. Мекеме атауы қазақ болғанымен, асфальт төсеудегі жауапты жұмыстарды сол шетелдіктер атқарып келеді. «Қызылорда-Жезқазған» автожолын қытайлық компания салып жатқанымен, жұмысшыларының көбі – өзбектер. Бұл қалай болғаны?!



«Апталықтың» коллажи

Республика бойынша жолшы мандығына бөлінген 800 гранттың 40-ы ғана игерілді. Көлік министрлігі автомобиль жолдары комитетінің басқарма басшысы Нұртілек Хасенов жолшы мамандары қат екенін айтып, дабыл қақты. Өйткені қазір жол салуда сырттан келген мамандар мердігерлердің қалтасын қағып, алды 1,5-2 млн теңге шамасында жалақы алып жүр.

– Қазірдің өзінде маман тапшылығы сезіледі. Республика бойынша 6 оқу орнында маман дайындайды. Бірақ олардың өзі бірнеше жылдан бері жабылып, қайта ашылды. Сұранысқа сай екені ескеріліп, осы салаға 800 грант бөлінген. Өкініштісі сол, оның 40-ы ғана игерілді. Төрт жылдан кейін 40 жас оқу бітіреді. Еліміздегі жол құрылысымен айналысатын жүздеген компанияға ол

түк болмайды. Сондықтан бұл мәселені осы кезден қолға алмаса болмайды, – деді Нұртілек Хасенов. Айтпақшы, бұл салада жалақы да жоғары. Мардымыз ақы алады десек, келмеуінің себебі болар еді. Десек те, мәселе басқада тәрізді. – Жолшылардың ең төменгі жалақысы – 600-700 мың теңге. Қара күзде тоқтаған жұмыс көктемге дейін

басталмайды. Жұмыстың көбі маусымдық. Әйткенмен жоғары жалақы олардың бос отыратын 4 айның орнын толтырады. Мәселе мұнда емес. Бірнеше ай айдалада, үйден жырақ жүреді. Олардың келгісі келмеуінің басты себебі жұмыстың қиындығында болуы мүмкін, – дейді басқарма басшысы.

2-БЕТТЕ



– Ұлттық спорт әлемге қаншалықты танымал?
– Қазіргі таңда ұлттық спортымызды халықаралық аренада таныту маңызды. Қазір қазақ күресінен халықаралық, әлем чемпионаттары өтіп жүр. Қызығушылық күн өткен сайын артып келеді. Тарихқа көз жүгіртсек, қазақ күресі бойынша алғашқы жарыс 1938 жылы өткен екен. Сол сәттен бастап осындай жарыс дәстүрлі түрде өткізіліп келеді. Бөкілемге бірінен кейін бірі кіл мықтылар шақырылып, үздік балуан анықталатын. Бүгінде қазақ күресінің ережесі аса өзгерген жоқ. Қазақ күресі халықаралық аренада үлкен танымалдылыққа ие болып келеді. Бұл спорт түрі өзінің ерекше техникасымен, бай тарихымен шетелдік спортсүйер қауымын назарын аударып отыр. Соңғы жылдары көптеген елде қазақ күресі бойынша халықаралық жарыстар өтіп, қазақстандық балуандар өз шеберлігін әлемге паш етуде. Мысалы, «Көшпенділер ойыны» аясында қазақ күресінен сегіз салмақ дәрежесінде өнер көрсеткен қазақстандық балуандар қазақ күресінің жоғары деңгейде екенін көрсетті. Қазақ күресінің дамуы, халықаралық деңгейде танылуы тек қазақстандық спортшылардың ғана емес, сонымен қатар ұлттық мәдениет пен дәстүрді насихаттауға ықпал етпек.

2-БЕТТЕ

Баспасөз-2025

АҒАЙЫН, «АҚМЕШІТ АПТАЛЫҒЫНА» ЖАЗЫЛДЫҒЫЗ БА?

Баспасөзге 2025 жылдың бірінші жартыжылдығына жазылу жүруде. Қапы қалмаңыз, сүйікті газетіңізге жазылуы ұмытпаңыз.

Жекелер үшін

6 айға – 3000 теңге, мекемелер үшін – 4000 теңге. Баспасөзге қатысты сауалдарыңыз болса, мына нөмірлерге хабарласыңыздар: 40-05-81, 70-14-08.

УӘДЕ



Қалада күннен-күнге халық саны да өсуде. Тұрғындар саны өскен сайын тіршілікте өзекті мәселелер де көбейетіні белгілі. Ел аманатын арқалаған халық қалаулылары осындайда елмен етене араласып, халықтың мұң-мұқтажын құзырлы орындарға жеткізіп, ел мен биліктің арасына алтын көпір орнатып, мәселенің оңтайлы шешілуіне ықпал етеді. Олар – қоғамның қозғаушы күші. Орайы келгенде Қызылорда қалалық мәслихатының депутаты Талғат Мақашовпен сұхбаттастық.

Талғат МАҚАШОВ,
Қызылорда қалалық мәслихат депутаты:

БІЗДІҢ БАСТЫ МІНДЕТІМІЗ – халықтың тұрмыс сапасын арттыру

3-БЕТТЕ



БІР ӘКЕНІҢ ТӘРБИЕСІН ЖҮЗ МЕКТЕП БЕРЕ АЛМАЙДЫ

3-БЕТТЕ

